

## 帝王世紀輯存第一・三皇之前

天地未分。謂之太易。太平御覽卷一引。

元氣始萌。謂之太初。同上。

氣形之初。謂之太始。同上。

形變有質。謂之太素。太素之前。幽清【情】寂寞。不可為象。惟虛惟無。蓋道之根。自道根既建。猶無生有。太素質始萌。萌而未兆。謂之龐洪。蓋道之幹【榦】。道榦既育。萬物成體。於是剛柔始分。清濁始位。天成於外而體陽。故圓以動。蓋道之實。同上。○案故圓以動句。語義未完。疑有脫文。

質形已具。謂之太極。同上。

天地開闢。有天皇氏。地皇氏。人皇氏。或冬穴夏巢。或食鳥獸之肉。北堂書鈔卷百五十八引帝王世說。

天皇太帝。曜魄寶。地皇為天一。人皇為太一。五行大義卷五引世紀。○案大義引甘公星經謂。天皇太帝。名曜魄寶。五帝之尊祖也。

天皇氏壽一萬八千歲。地皇氏壽一萬八千歲。人皇氏壽九千歲。合四萬五千歲。清・英廉等・日下舊聞考卷七十七。

三皇之世。合二萬二百九十七年也。唐・法琳・辯正論卷第一。

自天地闢設。人皇以來。迄魏咸熙二年。凡二百七十二代。積二百七十六萬七百四十五年。分為十紀。一曰九頭至十曰疏訖。博雅音卷九注引。

版本信息：徐宗元《帝王世紀輯存》，中華書局，1964年。

編者按語：皇甫謐《帝王世紀》已佚，故世無善本。今以徐宗元《帝王世紀輯存》為底本，校以樂貴明《中國古典數字工程叢書・皇甫謐集》（新世界出版社2016年版），重分為十卷，為地元、人元二篇所取資。藍色為增字，紅色為刪字，黑魚尾括弧中為改字。黃帝降生四千七百三十一年十一月廿五（西元2021年1月8日）寫定。